

四庫全書

史部

欽定四庫全書

欽定外藩蒙古回部王公表傳卷之二十

傳第四

扎薩克多羅扎薩克圖郡王布達齊列傳

布達齊科爾沁部人姓博爾濟吉特土謝圖汗奧  
已弟天命十一年隨奧已來朝

賜號扎薩克圖杜稜

賚甲冑雕鞍蟒幣天聰二年

上征察哈爾布達齊從兄奧已私掠察哈爾邊遽還不遵  
旨以兵會大軍

遣使詰責三年正月奧已入謝四月布達齊亦至

上宥其罪六年赴昭烏達會大軍征察哈爾尋隨貝勒阿  
濟格畧明大同宣府邊七年五月遣子拜斯噶爾  
來朝十二月以兄子巴達禮

賜號土謝圖濟農偕入謝八年正月

優賚遣歸六月以所部台吉噶爾珠塞特爾糾衆叛逃索

倫偕已達禮等擒誅之

詔分轄所遺人戶七月從征明入上方堡至大同敗城外  
營克堡一崇德元年來朝

賚貂裘蟒服封扎薩克多羅扎薩克圖郡王

詔世襲罔替二年偕已圖魯郡王滿珠習禮等隨承政尼  
堪由朝鮮進征瓦爾喀至吉木海敗平壤巡撫安  
州總兵及安邊道援兵三年從入明邊由義州進  
圍中後所五年來朝

賚甲胄弓矢順治元年卒子拜斯噶爾襲

一次襲拜斯噶爾布達齊長子初授一等台吉天聰五年從攻明大凌河九年從收察哈爾部衆崇德元年

賜號卓哩克圖三年從征明越北京下山東六年隨睿親王多爾袞圍錦州敗明總督洪承疇援兵順治二年襲扎薩克多羅扎薩克圖郡王來朝

賚弓矢三年隨豫親王多鐸追剿蘇尼特部叛人騰機思

十四年卒子鄂齊爾襲

二次襲鄂齊爾拜斯噶爾長子順治十四年襲扎薩克多羅扎薩克圖郡王康熙五十七年卒子薩祜拉克襲

三次襲薩祜拉克鄂齊爾第六子康熙五十七年襲扎薩克多羅扎薩克圖郡王雍正九年卒子沙津德勒格爾襲

四次襲沙津德勒格爾薩祜拉克長子雍正九年

襲扎薩克多羅扎薩克圖郡王乾隆十四年卒子  
納旺色布騰襲

五次襲納旺色布騰沙津德勒格爾長子乾隆十  
四年襲扎薩克多羅扎薩克圖郡王四十九年卒  
子達什端多布襲

六次襲達什端多布納旺色布騰長子尚鄉君授  
額駙初授一等台吉乾隆四十九年襲扎薩克多  
羅扎薩克圖郡王

扎薩克多羅永圖郡王洪果爾列傳

洪果爾科爾沁部人姓博爾濟吉特達爾漢親王  
滿珠習禮叔父父納穆賽有子三洪果爾其季也  
天聰元年遣使來朝二年遣子巴敦從征察哈爾  
還獻俘

賜巴敦達爾漢卓哩克圖號

厚賚之三年

上征明洪果爾偕土謝圖汗奧巴等迎



覲遼河尋隨貝勒濟爾哈朗入大安口克遵化進圍北京  
敗錦州寧遠援兵六年從畧明大同宣府邊七年  
來朝

賚甲冑鞍馬八年六月以所部台吉噶爾珠塞特爾糾衆  
叛逃索倫偕土謝圖濟農巴達禮等擒誅之

詔分轄所遺人戶七月從入明邊至大同執哨卒十獲馬  
四十克堡二崇德元年封扎薩克多羅水圖郡王  
詔世襲罔替三年尚縣主授多羅額駙六年卒子二長額

森襲郡王次額泰子阿玉什授內大臣

一次襲額森洪果爾長子順治三年襲扎薩克多  
羅冰圖郡王十八年來朝康熙四年卒子額濟音  
襲

二次襲額濟音額森長子康熙五年襲扎薩克多  
羅冰圖郡王十三年來朝請獻所攜馬助剿逆藩  
吳三桂

諭嘉之二十九年偕土謝圖親王沙津防禦噶爾丹三十

五年卒子達達布襲

三次襲達達布額濟音長子康熙三十五年襲扎薩克多羅冰圖郡王四十六年卒子宜什班第襲四次襲宜什班第達達布長子尚郡君授固山額駙康熙四十六年襲扎薩克多羅冰圖郡王乾隆十二年卒子喇特納扎木素襲

五次襲喇特納扎木素宜什班第長子乾隆十二年襲扎薩克多羅冰圖郡王四十一年卒子桑對

扎布襲

六次襲桑對扎布喇特納扎木素長子乾隆四十一年襲扎薩克多羅冰圖郡王

追封多羅貝勒棟果爾列傳

今襲扎薩克多羅郡王

棟果爾科爾沁部人姓博爾濟吉特冰圖郡王洪果爾從子父明安嘗與葉赫諸部來侵敗歸因遣使乞好天命二年春來朝謁

上於富爾簡岡獻駝十馬牛各百留越月

賜戶四十甲四十及幣未幾卒崇德元年棟果爾封鎮國  
公二年隨承政尼堪由朝鮮進征瓦爾喀至吉木  
海敗平壤巡撫安州總兵及安邊道援兵六年從  
征明敗總督洪承疇兵於松山七年

宴賚之八年來朝

賚銀幣尋卒順治五年追封多羅貝勒子彰吉倫襲

一次襲彰吉倫棟果爾長子初授二等台吉順治

五年襲多羅貝勒七年

上追念其祖明安功晉郡王爵領扎薩克

詔世襲罔替康熙三年卒子布達禮襲

二次襲布達禮彰吉倫長子康熙三年襲扎薩克  
多羅郡王二十三年卒子扎噶爾襲

三次襲扎噶爾布達禮長子康熙二十三年襲扎  
薩克多羅郡王二十四年卒子岱布襲

四次襲岱布扎噶爾長子康熙二十四年襲扎薩  
克多羅郡王二十九年隨大軍防禦噶爾丹三十

五年隨黑龍江將軍薩布素由東路進剿噶爾丹  
為西路大將軍費揚古所敗乃撤還四十九年卒  
子六長阿喇布坦次羅卜藏喇什相繼襲次達瑪  
琳次阿穆爾琳貴次丹津次達爾扎均授台吉

五次襲阿喇布坦岱布長子康熙四十九年襲扎  
薩克多羅郡王五十五年卒弟羅卜藏喇什襲子  
色布騰多爾濟後封貝子自有傳

六次襲羅卜藏喇什岱布次子康熙五十五年襲

扎薩克多羅郡王雍正九年隨大軍剿噶爾丹策凌十年敗賊酋小策凌敦多卜于烏遜珠爾及額爾德尼昭

優賚之乾隆三年卒子二長齊默特多爾濟次已勒珠爾相繼襲

七次襲齊默特多爾濟羅卜藏喇什長子雍正八年尚和碩端柔公主授和碩額駙乾隆三年襲扎薩克多羅郡王尋授盟長四十七年卒弟已勒珠



爾襲

八次襲已勒珠爾羅卜藏喇什次子乾隆四十七年襲扎薩克多羅郡王四十八年卒子索特納木多爾濟襲

九次襲索特納木多爾濟已勒珠爾長子乾隆四十八年襲扎薩克多羅郡王

附固山貝子色布騰多爾濟列傳

今襲輔國公

色布騰多爾濟郡王阿喇布坦長子尚郡主授和

碩額駙康熙五十八年阿喇布坦卒以色布騰多爾幼

命其叔父羅卜藏喇什襲郡王爵乾隆五年羅卜藏喇什卒理藩院請

簡襲王爵

諭曰羅卜藏喇什自襲爵後偕科爾沁諸部長協剿準噶爾屢著勤勞今既溘逝其長子齊默特多爾濟理宜承襲扎薩克郡王爵阿喇布坦之長子色布騰多

爾濟可加恩封固山貝子在乾清門行走八年色布騰多爾濟卒

諭曰前因阿喇布坦曾任王爵故施恩將色布騰多爾濟封貝子今既病故例應停襲但念其孀母孤子無依甚屬可矜仍施恩將伊子索諾木色稜降襲鎮國公

一次襲索諾木色稜色布騰多爾濟長子乾隆八年襲鎮國公

命乾清門行走三十六年卒子納遜巴圖襲

二次襲納遜巴圖索諾木色稜長子乾隆三十六年降襲輔國公四十七年尚縣君授額駙

扎薩克鎮國公喇嘛什希列傳

喇嘛什希科爾沁部人姓博爾濟吉特土謝圖汗  
奧巴從弟祖哲格爾德父圖美天命十一年圖美  
隨奧巴來朝

賜號岱達爾漢

賚甲冑雕鞍蟒帶天聰三年從貝勒濟爾哈朗入大安口  
克明遵化進圍北京敗寧遠錦州援兵五年從圍  
大凌河擒明監軍道張春六年隨征察哈爾

賚鞍馬甲冑

上以圖美年老

諭歸牧尋卒七年喇嘛什希來朝獲

優賚崇德元年封扎薩克鎮國公

詔世襲罔替二年隨承政尼堪由朝鮮進征瓦爾喀至吉

木海敗平壤巡撫安州總兵及安邊道援兵三年  
從征明自義州進圍中後所六年隨睿親王多爾  
袞圍錦州敗明總督洪承疇援兵順治四年卒子  
色稜襲

一次襲色稜喇嘛什希長子順治五年襲扎薩克  
鎮國公十八年卒子都什轄爾襲

二次襲都什轄爾色稜長子順治十八年襲扎薩  
克鎮國公康熙三十六年卒子圖努瑪爾襲

三次襲圖努瑪爾都什轄爾長子康熙三十六年襲扎薩克鎮國公雍正三年卒子喇嘛扎布襲

四次襲喇嘛扎布圖努瑪爾長子雍正三年襲扎

薩克鎮國公乾隆十九年卒子布延德勒格爾襲

五次襲布延德勒格爾喇嘛扎布第三子乾隆十


九年襲扎薩克鎮國公二十年以罪削爵從子敏

珠爾多爾濟襲

六次襲敏珠爾多爾濟布延德勒格爾從子乾隆

二十年襲扎薩克鎮國公三十三年卒子薩木丕  
勒扎木素襲

七次襲薩木丕勒扎木素敏珠爾多爾濟長子乾  
隆三十三年襲扎薩克鎮國公





欽定外藩蒙古回部王公表傳卷之二十

欽定四庫全書

史部

欽定外藩蒙古回部王公表傳卷二十一

五

主事<sub>臣</sub>陳若霖覆校

總校官編修<sub>臣</sub>倉聖脉

欽定四庫全書

欽定外藩蒙古回部王公表傳卷之二十一

傳第五

扎賚特部總傳

扎賚特部在喜峯口外至

京師二千有十里東西距六十里南北距四百里東  
界杜爾伯特西及南界郭爾羅斯北界索倫元太  
祖弟哈布圖哈薩爾十五傳至博第達喇有子九

阿敏其季也與兄齊齊克納穆賽等鄰牧號所部  
曰扎賚特天命九年阿敏子蒙袞偕科爾沁台吉  
奧巴遣使乞好

優詔答之遂率屬來歸順治五年授蒙袞子色稜扎薩克  
以與科爾沁同祖附之隸哲哩木盟旗一駐圖卜  
紳察罕坡其爵為扎薩克多羅貝勒由固山貝子

晉襲

追封固山貝子蒙袞列傳

今襲扎薩克  
多羅貝勒

蒙袞扎賚特部人姓博爾濟吉特元太祖弟哈布圖哈薩爾十七世孫天命九年

賜號達爾漢和碩齊天聰八年六月科爾沁台吉噶爾珠塞特爾等叛逃索倫

命籍所屬

賜蒙袞三之一七月從征明大同克堡四崇德二年隨承政尼堪由朝鮮進征瓦爾喀至吉木海敗平壤巡撫安州總兵及安邊道援兵三年會大軍於渾河

入明邊由義州進圍中後所六年朝正獻駝馬貂  
皮七年隨饒餘貝勒阿已泰等征明得

優賚八年遣屬布都瑪爾從征黑龍江未幾蒙袞卒順治  
五年追封固山貝子以其子色稜襲

詔世襲罔替

一次襲色稜蒙袞長子崇德六年隨圍明錦州敗  
總督洪承疇援兵七年從征塔山毀其城順治三  
年從剿蘇尼特叛人騰機思敗喀爾喀土謝圖汗

車臣汗援兵五年襲固山貝子領扎薩克七年從  
剿叛鎮姜瓖於大同康熙三年卒子畢哩克襲

二次襲畢哩克色稜長子康熙三年襲扎薩克固  
山貝子十六年卒子納遜襲

三次襲納遜畢哩克長子康熙十七年襲扎薩克  
固山貝子四十二年卒子特古斯襲

四次襲特古斯納遜長子初授三等台吉康熙四  
十二年襲扎薩克固山貝子五十六年偕都統穆

爾賽赴阿爾台防禦策妄阿喇布坦五十九年擊賊鏗額爾河降其宰桑色布騰雍正九年偕科爾沁郡王羅卜藏喇什赴順承郡王錫保軍剿噶爾丹策凌屢敗賊衆十年由克爾森齊老擊賊酋小策凌敦多卜于額爾德尼昭大敗之

諭曰固山貝子特古斯前在阿爾台軍營効力行走此次在克爾森齊老擊賊甚力復大敗賊衆于額爾德尼昭勲勞卓著朕甚嘉之其晉封多羅貝勒十一年



賜三眼孔雀翎乾隆五年卒子烏察喇勒圖襲

五次襲烏察喇勒圖特古斯長子乾隆五年襲扎  
薩克多羅貝勒二十一年卒子羅卜藏錫喇布襲  
六次襲羅卜藏錫喇布烏察喇勒圖長子乾隆二  
十一年襲扎薩克多羅貝勒三十八年子阿穆祜  
朗襲

七次襲阿穆祜朗羅卜藏錫喇布長子乾隆三十  
八年襲扎薩克多羅貝勒四十九年

詔世襲罔替

杜爾伯特部總傳

杜爾伯特部在喜峯口外至

京師二千五十里東西距百七十里南北距二百四十里東界黑龍江西界扎賚特南界郭爾羅斯北界索倫外藩蒙古稱杜爾伯特部者二同名異族一姓綽羅斯為衛拉特台吉字罕裔旗十有四駐牧烏蘭古木稱外扎薩克別有傳一姓博爾濟吉

特為元太祖弟哈布圖哈薩爾裔即今駐牧喜峯口外之內扎薩克也哈布圖哈薩爾十六傳至愛納噶始以名其部天命九年愛納噶子阿都齊偕科爾沁台吉與已遣使乞好

優詔答之遂率屬來歸順治五年授阿都齊子色稜扎薩克以與科爾沁同祖附之隸哲哩木盟旗一駐多克多爾坡其爵為扎薩克固山貝子

扎薩克固山貝子色稜列傳

色稜杜爾伯特部人姓博爾濟吉特元太祖弟哈布圖哈薩爾十八世孫父阿都齊號達爾漢諾顏天聰三年從征明入大安口克遵化進圍北京敗寧遠錦州援兵師還阿都齊卒五年色稜來朝八年六月科爾沁台吉噶爾珠塞特爾等叛逃索倫命籍所屬

賜色稜三之一七月從征明大同克堡十崇德元年封輔國公二年隨承政尼堪由朝鮮進征瓦爾喀至吉

木海敗平壤巡撫安州總兵及安邊道援兵三年  
會大軍於渾河入明邊由義州進圍中後所五年  
賜儀仗七年復從征明獲

優賚八年六月來朝八月以其屬索朗阿隨征黑龍江諸  
部嚮導功

賜號達爾漢順治三年七月從豫親王多鐸追剿蘇尼特  
叛人騰機思至諤特克山斬台吉茂海俘孥屬五  
年追叙其父阿都齊來歸功晉封扎薩克固山貝

子

詔世襲罔替康熙八年卒子諾爾布襲

一次襲諾爾布色稜長子康熙九年襲扎薩克固

山貝子十年卒無嗣從孫沙津襲

二次襲沙津諾爾布從孫康熙十年襲扎薩克固

山貝子十三年遣台吉溫布隨征逆藩吳三桂

詔偕科爾沁輔國公圖訥赫郭爾羅斯台吉畢哩袞鄂齊

爾等赴荊州駐防十八年撤還

遣內大臣塔達等迎勞二十九年遣兵協禦噶爾丹三十  
五年從征噶爾丹于克魯倫河五十八年卒子已  
圖襲

三次襲已圖沙津長子康熙五十八年襲扎薩克  
固山貝子雍正七年卒子二長班珠爾次丹珠爾  
相繼襲

四次襲班珠爾已圖長子雍正七年襲扎薩克固  
山貝子乾隆四年卒子色布騰棟囉布襲

五次襲色布騰棟囉布班珠爾長子乾隆四年襲  
扎薩克固山貝子八年卒

命其叔父丹珠爾襲

六次襲丹珠爾巴圖次子乾隆九年襲扎薩克固

山貝子十九年卒嗣子納木扎勒多爾濟襲

七次襲納木扎勒多爾濟丹珠爾嗣子乾隆十九

年襲扎薩克固山貝子二十四年卒

命其叔父羅布彰襲



八次襲羅布彰納木扎勒多爾濟叔父乾隆二十四年襲扎薩克固山貝子三十年卒無嗣弟博第襲

九次襲博第羅布彰弟乾隆三十年襲扎薩克固山貝子

欽定外藩蒙古回部王公表傳卷之二十一

欽定四庫全書

欽定外藩蒙古回部王公表傳卷之二十二

傳第六

郭爾羅斯部總傳

郭爾羅斯部在喜峯口外至

京師千八百九十七里東西距四百五十里南北距  
六百六十里南界

盛京邊牆東界永吉州西及北界科爾沁元太祖遣

弟哈布圖哈薩爾征郭爾羅斯部擒其首納琳於  
克哩業庫卜克爾詳見元史哈布圖哈薩爾十六  
傳至烏巴什即以為所部號子莽果仍之我

朝天命九年莽果子木布巴偕科爾沁台吉奧巴遣使  
乞好

優詔答之遂率屬來歸會察哈爾林丹汗掠科爾沁

遣軍由郭爾羅斯境往援至農安塔林丹汗遁不敢復犯  
科爾沁及郭爾羅斯諸部嗣設扎薩克二曰布木

已爵鎮國公曰固穆為布木已從弟爵輔國公以  
與科爾沁同祖附之隸哲哩木盟旗二前旗駐固  
爾班察罕後旗駐榛子嶺爵三扎薩克鎮國公一  
扎薩克台吉一附輔國公一

扎薩克鎮國公布木已列傳

布木已郭爾羅斯部人姓博爾濟吉特元太祖弟  
哈布圖哈薩爾十八世孫天聰三年隨大軍入龍  
井關克明遵化崇德二年隨承政尼堪由朝鮮進

征瓦爾喀至吉木海敗平壤巡撫安州總兵及安邊道援兵三年會大軍於渾河入明邊由義州進圍中後所六年從圍明錦州敗洪承疇兵於松山順治五年封扎薩克鎮國公

詔世襲罔替十一年卒子扎爾布襲

一次襲扎爾布布木巴長子崇德三年從征喀爾喀順治十一年襲扎薩克鎮國公康熙四年卒子安達什哩襲

二次襲安達什哩扎爾布長子康熙四年襲扎薩克鎮國公四十一年卒子巴圖襲

三次襲巴圖安達什哩長子康熙四十二年襲扎薩克鎮國公乾隆五年卒子多爾濟襲

四次襲多爾濟巴圖長子乾隆五年襲扎薩克鎮國公二十年卒子索諾木扎木素襲

五次襲索諾木扎木素多爾濟長子乾隆二十年襲扎薩克鎮國公二十四年卒子錫博第襲

六次襲錫喇博第索諾木扎木素長子乾隆二十四年襲扎薩克鎮國公四十二年卒子固魯扎布襲

七次襲固魯扎布錫喇博第長子乾隆四十二年襲扎薩克鎮國公

扎薩克一等台吉畢哩袞鄂齊爾列傳

畢哩袞鄂齊爾鄂爾羅斯部人姓博爾濟吉特鎮國公布木已從孫其伯父額璘天聰時來歸授二等



台吉卒無嗣畢哩袞鄂齊爾父扎木素襲順治二  
年來朝

賚弓矢服幣三年隨剿蘇尼特叛人騰機思敗喀爾喀土謝圖  
汗車臣汗援兵尋卒畢哩袞鄂齊爾襲二等台吉  
康熙十三年大軍剿逆藩吳三桂

詔偕科爾沁輔國公圖訥赫杜爾伯特台吉溫布赴荊州  
駐防十八年撒還

遣內大臣塔達等迎勞三十五年

上親征噶爾丹畢哩袞鄂齊爾獻馬助

諭獎之晉一等台吉所部有輔國公固穆者授扎薩克孫

莽塞以罪削

詔畢哩袞鄂齊爾弟二等台吉武爾圖納素圖鄂齊爾代

之四十七年武爾圖納素圖鄂齊爾以病罷畢哩

袞鄂齊爾領所遺扎薩克五十三年卒子察袞襲

一次襲察袞畢哩袞鄂齊爾次子康熙五十三年

襲扎薩克一等台吉乾隆十一年以病罷子都噶

爾扎布襲

二次襲都噶爾扎布察袞第四子乾隆十一年襲  
扎薩克一等台吉十九年以溺職削從弟阿喇布  
坦襲

三次襲阿喇布坦都噶爾扎布從弟乾隆二十年  
襲扎薩克一等台吉四十九年理藩院議奏阿喇  
布坦所襲扎薩克自同部輔國公固穆始固穆孫  
莽塞獲罪阿喇布坦祖畢哩袞鄂齊爾以台吉代

領扎薩克子若孫襲之固穆嗣祇襲公爵不獲預  
扎薩克選久必致忘源流嗣扎薩克缺出應統令

入

覲候

旨簡襲

詔如議

附原封扎薩克輔國公固穆列傳

後削扎薩克仍  
留輔國公爵

固穆扎薩克台吉畢哩袞鄂齊爾從祖天聰七年

來朝獻駝馬八年二月遣弟桑噶爾齋來朝

賚甲胄雕鞍弓矢七月從征明入上方堡由宣府攻朔州  
師還獻俘獲崇德元年封扎薩克輔國公

詔世襲罔替二年隨承政尼堪由朝鮮進征瓦爾喀至吉木  
海敗平壤巡撫安州總兵及安邊道援兵三年會  
大軍於渾河入明邊由義州進圍中後所五年

賚甲胄弓矢八年卒弟桑噶爾齋襲

一次襲桑噶爾齋固穆弟崇德八年從征明順治

五年襲扎薩克輔國公七年卒兄子昂哈襲

二次襲昂哈固穆長子順治七年襲扎薩克輔國  
公康熙十八年卒子莽塞襲

三次襲莽塞昂哈長子康熙十八年襲扎薩克輔  
國公二十六年以不緝賊罪削扎薩克二等台吉  
武爾圖納素圖鄂齊爾代領之見畢哩袞鄂齊爾  
傳五十八年卒子諾爾布襲輔國公

四次襲諾爾布莽塞長子康熙五十八年襲輔國

公雍正五年卒子策旺扎布襲

五次襲策旺扎布諾爾布長子雍正五年襲輔國  
公十年卒子額爾登額襲

六次襲額爾登額策旺扎布長子雍正十年襲輔  
國公乾隆二十二年卒子恭格喇布坦襲

七次襲恭格喇布坦額爾登額長子乾隆二十二  
年襲輔國公四十四年尚鄉君授額駙

欽定外藩蒙古回部王公表傳卷之二十二



欽定四庫全書

欽定外藩蒙古回部王公表傳卷之二十三

傳第七

喀喇沁部總傳

喀喇沁部在喜峯口外至

京師七百六十里東西距五百里南北距四百五十里東界土默特及教漢西界察哈爾正藍旗牧廠南界

盛京邊牆北界翁牛特元時有扎爾楚泰者生濟拉  
瑪佐元太祖有功七傳至和通有衆六千戶游牧  
額沁河號所部曰喀喇心子格呼博囉特繼之生  
子二長格呼勒泰宰桑為扎薩克杜稜貝勒固魯  
思奇布扎薩克一等塔布囊格呼爾二旗祖次圖  
魯巴圖爾為扎薩克鎮圖公色稜一旗祖格呼勒  
泰宰桑子四長恩克次準圖次鄂穆克圖均居喀  
喇沁次莽古岱別隸土默特見土默特左翼鎮國

公善已傳天聰二年二月恩克曾孫蘇布地以察  
哈爾林丹汗虐其部偕弟萬丹偉徵等乞內附表  
奏察哈爾汗不道喀喇沁被虐因偕土默特鄂爾  
多斯阿巴噶喀爾喀諸部兵赴土默特之趙城擊  
察哈爾兵四萬還值赴明請賞兵三千復殪之察  
哈爾根本動搖機可乘

皇帝儻興師進勦喀喇沁當先諸部至

諭遣使面諭七月遣喇嘛偕五百三十人來朝

命貝勒阿濟格碩託迎宴刑白馬烏牛誓九月

上親征察哈爾蘇布地等迎會於綽洛郭勒

錫賚甚厚三年正月

敕所部遵

國憲六月蘇布地及圖魯巴圖爾孫色稜等率屬來

歸

詔還舊牧十月

上征明以塔布囊布爾哈圖為導入遵化駐兵羅文峪四

年布爾哈圖為明兵所圍擊敗之擒副將丁啟明  
及遊擊一都司二

詔嘉其功

賜莊田僕從及金幣六年由都爾弼從征察哈爾林丹汗  
遁以所收察哈爾糧貯遼河守之復分兵隨貝勒  
阿濟格略明大同宣府邊八年正月偕巴林阿魯  
科爾沁阿巴噶諸部兵收撫察哈爾流民五月從征  
明大同至朔州九年正月

詔編所部佐領以蘇布地子固魯思奇布掌右翼色稜掌  
左翼五月選兵從征明敗之於遼河源崇德元年  
詔授布爾哈圖一等子

賜號岱達爾漢塔布囊畢喇什喇思哈布卓爾畢泰額墨  
爾齊各授世職有差別隸內蒙古旗二年

遣大臣阿什達爾漢等赴其部理庶獄三年七月

命畢喇什等赴張家口議明歲幣及互市九月隨大軍自  
密雲入明邊敗其兵六千十月從征前屯衛及寧

遠七年從圍薊州過北京下山東順治元年從入  
山海關擊流賊李自成六年從征喀爾喀康熙十三年  
大軍勦逆藩耿精忠等所部塔布囊霍濟格爾偕  
土默特塔布囊善達等以兵赴克州十七年

諭曰塔布囊霍濟格爾等前自克州赴浙江聽康親王傑  
書調度各統所屬官兵征勦逆賊復深入閩省同大兵  
平定逆藩耿精忠行間効力身先士卒衝鋒陷陣奮勇  
用命深為可嘉宜降恩綸即行議叙以勵後効二十年

工駐蹕和爾和

諭曰塔布囊霍濟格爾出征時最著勤勞今已溘逝朕至此地遣散秩大臣鄂齊爾等携茶酒往奠二十五年叙

平浙江福建功

賜叅領巴雅爾等十人世職二十九年從征噶爾丹敗之於烏蘭布通四十四年

詔增設一旗以塔布囊格呼爾領之五十四年

徵所部兵千赴推河坊禦策妄阿喇布坦尋



命侍郎覺和托等携帑萬兩

賜之雍正九年從征噶爾丹策凌所部初設二旗右翼駐  
錫伯河北左翼駐巴顏珠爾克後增一旗駐左右  
翼界內與土默特部二旗統盟於卓索圖爵六親  
王品級扎薩克多羅杜稜郡王一由貝勒晉襲附  
鎮國公一由貝子降襲輔國公一扎薩克固山貝  
子一由鎮國公晉襲扎薩克公品級一等塔布囊  
一附輔國公一

扎薩克多羅杜稜貝勒固嚕思奇布列傳

今襲親王品級

多羅

郡王

固嚕思奇布喀喇沁部人姓烏梁罕元臣濟拉瑪十五世孫父蘇布地天聰二年從征察哈爾三年從征明克遵化州尋卒六年

上追念蘇布地與科爾沁土謝圖汗奧巴並

諭獎為最優之才八年六月固嚕思奇布隨大軍由都爾

弼征明入得勝堡攻大同克堡一十一月

上駐蹕察罕諾爾固魯思奇布來朝獻駝馬九年正月授  
扎薩克五月從征明略平魯衛崇德元年封固山  
貝子

賜多羅杜稜號尋隨武英郡王阿濟格征朝鮮三年隨鄭  
親王濟爾哈朗攻明前屯衛及寧遠五年來朝

賜儀仗六年六月從圍明錦州敗總督洪承疇援兵十一  
月偕都統譚泰等自黃崖口進圍薊州擊明總兵  
白騰蛟白廣恩兵三千敗之遂下山東明年還次

懷柔敗明總兵唐通等於螺山獻俘

上親宴之順治七年晉多羅杜稜貝勒

詔世襲罔替十五年卒子三長圖巴色稜次扎什次班達

爾沙相繼襲

一次襲圖巴色稜固魯思奇布長子順治十五年

襲扎薩克多羅杜稜貝勒康熙三年卒弟班達爾

沙襲

二次襲班達爾沙固魯思奇布第三子康熙三年

襲扎薩克多羅杜稜貝勒七年追叙其祖蘇布地  
功晉郡王爵仍

予世襲固替十年卒兄扎什襲

三次襲扎什固噶思奇布次子康熙十一年襲扎  
薩克多羅杜稜郡王十四年察哈爾布爾尼叛

命郎中瑪喇諭扎什與外藩諸部兵會勦時奈曼郡王扎  
木三叛應布爾尼約扎什往詭言科爾沁扎噶特  
阿噶科爾沁烏珠穆沁浩齊特阿巴噶諸部舉兵

應扎什謝之馳疏不附逆狀復語瑪喇曰扎木三  
徙察罕郭勒布爾尼移營就之兵已合外別無叛  
者瑪喇以

聞

上嘉其忠誠

賜御用甲冑旌之扎什復遣護衛丹西喇奏奈曼台吉鄂  
齊爾不從扎木三叛携孥奔臣牧

賜丹西喇三等達爾漢世職扎什尋隨撫遠大將軍信郡

王鄂扎勒布爾尼至達祿敗之十六年

上幸塞外

駐蹕察罕河屯扎什來朝偕扎薩克鎮國公烏特巴拉等  
請以所部兵千五百為前驅

賚弓矢冠服器幣有差二十九年五月以偵勦噶爾丹  
命赴尚書阿刺尼軍尋

諭留護軍糧勿從戎扎什遣子垂扎木素奏  
恩命恤臣甚至臣不材久蒙

恩養苟可自効敢不報稱臣備兵九百願以臣屬塔布囊  
巴爾圖等督兵五百護糧臣躬率兵四百從征

允之七月隨裕親王福全敗噶爾丹於烏蘭布通三十一  
年

賜扎什及弁兵服幣有差三十五年扈

駕親征至克魯倫河

賚鞍馬四十三年卒

詔建碑表墓子四長垂扎木素授塔布囊次噶爾臧次色



稜均襲郡王次諾木齊授塔布囊

四次襲噶爾藏扎什次子康熙三十一年尚和碩  
端靜公主授和碩額駙四十三年襲扎薩克多羅  
杜稜郡王五十年以罪削爵

命其弟色稜襲子敏珠爾喇布坦封固山貝子別有傳

五次襲色稜扎什第三子康熙五十年襲扎薩克  
多羅杜稜郡王五十六年卒子五長羅卜藏車布  
登封輔國公自有傳次伊達木扎布襲郡王次圖

新次羅卜藏次烏巴什均授塔布囊

六次襲伊達木扎布色稜次子康熙五十六年襲  
扎薩克多羅杜稜郡王乾隆四年卒子喇特納錫  
第襲

七次次喇特納錫第伊達木扎布長子乾隆四年  
襲扎薩克多羅杜稜郡王十六年

命乾清門行走尋授盟長二十一年

命御前行走四十八年偕巴林郡王巴圖教漢固山貝

子三濟扎勒等扈

駕幸盛京

諭獎其効力久克抒忱悃

賜親王品級四十九年理藩院議喇特納錫第親王品

級係

恩封例弗予襲俟出缺時請

旨

詔如議

附 固山貝子敏珠爾喇布坦列傳

今襲鎮國公

敏珠爾喇布坦原襲杜稜郡王噶爾臧次子初授一等塔布囊乾隆八年

諭曰敏珠爾喇布坦係世家子人材亦優可加恩封輔國公十二年

賜雙眼孔雀翎

命御前行走二十一年扈

駕木蘭行圍

賜貝子品級二十四年晉封固山貝子二十五年卒理藩院請停襲

諭曰敏珠爾喇布坦貝子爵並非由伊祖遞相承襲及軍前著有勞績所得因其在御前行走有年常隨圍獵加恩由塔布囊洊封固山貝子卒後理宜停襲第念其効力年久其子丹津達爾扎又在乾清門行走可加恩降襲鎮國公

一次襲丹津達爾扎敏珠爾喇布坦長子乾隆二

十五年襲鎮國公四十九年理藩院議丹津達爾  
扎所襲鎮國公係

恩封例弗予襲俟出缺時請

旨

詔如議

附輔國公羅卜藏車布登列傳

羅卜藏車布登杜稜郡王色稜長子雍正九年大  
軍勦噶爾丹策凌奉

詔偕貝子僧衮扎布選所部兵屯張家口外聽調

諭曰羅卜藏車布登係郡王子人材亦優今領兵前往軍營可加恩封輔國公十年偕喀爾喀親王額駙策凌等擊準噶爾於額爾德尼昭大敗之十一年

賜雙眼孔雀翎乾隆九年卒子阿喇布坦襲

一次襲阿喇布坦羅卜藏車布登長子乾隆九年襲輔國公二十年卒子拉扎布襲

二次襲拉扎布阿喇布坦長子乾隆二十年襲輔

輔國公四十九年

詔世襲罔替

欽定外藩蒙古回部王公表傳卷之二十三



欽定四庫全書

欽定外藩蒙古回部王公表傳卷之二十四

傳第八

扎薩克鎮國公色稜列傳

今襲固  
山貝子

色稜喀喇沁部人姓烏梁罕杜稜貝勒固嚕思奇  
布族祖父圖琳固英有子七色稜其仲也天聰八  
年隨大軍由都爾弼征明入得勝堡攻大同克堡  
一至朔州獻俘

行幄

詔酌納之餘悉以

賜九年正月授扎薩克五月

命偕塔布囊萬丹偉徵等入明邊至遼河源遇明哨卒三

十自冷口至擊之斬馘二十獲馬二十五崇德三

年隨貝勒岳託自密雲牆子嶺入明邊過北京敗

明兵於盧溝橋六年隨睿親王多爾袞圍錦州敗

明總督洪承疇援兵七年偕都統譚泰等自黃崖

口入明薊州下山東並有斬獲明年還次懷柔敗  
總兵唐通等於螺山順治五年封鎮國公

詔世襲固替六年從征喀爾喀十四年卒子奇塔特襲

一次襲奇塔特色稜長子嘗從征明大凌河大同

昌平薊州臨清皆有功順治三年隨豫親王多鐸

勦蘇尼特叛人騰機思擊之於諤特克山又敗喀

爾喀土謝圖汗車臣汗援兵十四年襲扎薩克鎮

國公康熙五年卒子三長烏特巴拉次善巴喇什

均襲鎮國公次朋素克授塔布囊

二次襲烏特巴拉奇塔特長子康熙六年襲扎薩  
克鎮國公十四年從征察哈爾叛人布爾尼十六  
年

上幸塞外

駐蹕察罕河也烏特巴拉來朝且請為前驅得

優賚三十年卒無嗣弟善巴喇什襲

三次襲善巴喇什奇塔特次子康熙三十年襲扎

薩克鎮國公五十五年

諭獎勤慎晉封固山貝子五十六年卒子三長納遜額爾

克圖授塔布囊次僧衮扎布襲貝子次羅卜藏敦  
多布授固山額駙

四次襲僧衮扎布善巴喇什次子康熙五十六年  
襲扎薩克固山貝子五十八年尚郡主授多羅額  
駙雍正元年晉和碩額駙

命御前行走

賜三眼孔雀翎九年正月大軍勦噶爾丹策凌

詔偕輔國公羅卜藏車布登選所部兵屯張家口外聽調

八月以漢軍都統祖秉衡不諳牧馬

諭曰貝子僧袞扎布等帶領前往之喀喇沁兵可作四隊  
分入漢軍營內凡漢軍牧馬及行軍事宜令其指示此  
喀喇沁兵即令僧袞扎布統領在推河駐劄俟大軍到  
日調遣而行是月晉多羅貝勒十一月

命由扎克拜達里克至十三臺協里軍站十年擊準噶爾

小策凌敦多卜於額爾德尼昭敗之乾隆二年擢  
理藩院額外侍郎六年扈

駕木蘭行圍獲

優賚七年卒子二長瑚圖靈阿次扎拉豐阿

諭曰僧袞扎布曾祖色稜原係鎮國公洎其父善巴喇  
什頗為循謹

皇祖加恩晉封貝子迨僧袞扎布襲爵後在

御前行走多年甚屬敬謹因從征準噶爾

皇考復加恩晉封貝勒念此爵非應世襲罔替者朕於其  
二子均欲加恩即將此貝勒分襲令瑚圖靈阿襲扎  
薩克固山貝子扎拉豐阿封輔國公若瑚圖靈阿果  
能出力奮勉朕自加恩擢任

五次襲瑚圖靈阿僧袞扎布長子尚郡主授多羅  
額駙乾隆二年

賜雙眼孔雀翎

命御前行走七年襲扎薩克固山貝子十四年



諭曰瑚圖靈阿自襲封貝子理宜感激朕恩乃並不黽  
勉惟務偷安即如朕行圍塞外瑚圖靈阿因病足竟  
未隨行即使足有微疾圍場並非徒步乘馬隨行有  
何不可顯係託故懶惰其削貝子降授鎮國公二十  
年

詔復爵三十八年授定邊左副將軍

命駐烏里雅蘇台四十四年卒子濟克濟特扎布降襲  
扎薩克鎮國公

六次襲濟克濟特扎布瑚圖靈阿長子乾隆四十  
四年襲扎薩克鎮國公四十五年以罪削爵

命其叔父扎拉豐阿襲

七次襲扎拉豐阿僧袞扎布次子初名色布騰多  
爾濟乾隆四年

賜今名

教養內廷

賜雙眼孔雀翎封輔國公十年尚郡主授多羅額駙

命御前行走十二年兼管

上駟院十三年授滿洲正紅旗副都統尋調蒙古鑲黃旗都統十四年晉固山貝子

賜三眼孔雀翎十八年授領侍衛內大臣兼理藩院額外侍郎十九年奉

命督辦昭烏達駝馬以輝特台吉阿睦爾撒納赴北路軍乞降

諭扎拉豐阿齋

敕迎勞二十年正月

賜多羅貝勒品級

詔授叅贊大臣偕定邊右副將軍薩拉爾由西路進剿  
達瓦齊三月招綽囉斯台吉衮布扎布降復遣侍  
衛塔齊圖檄達瓦齊勿遠颺

獎賜佩飾四月偵達瓦齊居察卜齊雅勒偕薩拉爾由  
博囉塔拉馳赴波羅布爾噶蘇台奪隘口抵登努  
勒台時定北將軍班第率北路軍亦至尼楚衮遂

同渡伊犁五月達瓦齊竄踰庫魯克嶺扎拉豐阿  
偕叅贊大臣鄂容安等俘其孥并所屬人戶達瓦  
齊就擒

詔晉封多羅郡王八月遵

旨率新降綽囉斯台吉噶爾藏多爾濟入

覲避暑山莊

賜金黃轡

諭歸西路仍參贊軍務尋授定西將軍十一月改授定

邊右副將軍先是

上以阿睦爾撒納叛其黨阿巴噶斯哈丹等掠西路伊犁道梗定西將軍永常因畏葸獲罪削職叅贊大臣策楞代辦理復多未協因傳

諭扎拉豐阿代理軍務至是以策楞已統大軍赴額琳哈畢爾噶追勦阿巴噶斯哈丹等準噶爾衆皆知其為將軍不便復易故有是

命扎拉豐阿尋奏定邊右副將軍印叅贊大臣達爾黨

阿尚未由北路軍携至臣緩行俟

諭曰此奏甚屬錯謬策楞率師進剿為時已久兵力亦復不多亟宜繼進策應扎拉豐阿既為副將軍身荷重任當奮勇効力迅奏膚功乃稱候印緩行殊不識事理輕重況達爾黨阿帶兵行走到期亦未可預定著即傳諭扎拉豐阿馳赴策楞處協剿如策楞已趨伊犁伊即駐額琳哈畢爾噶辦事二十一年正月扎拉豐阿至策楞軍

詔仍預叅贊二月復授定邊右副將軍隨策楞進剿伊犁會訛傳阿睦爾撒納就擒策楞等遽以

聞已而諜阿睦爾撒納竄哈薩克遣叅贊大臣玉保往追而自與扎拉豐阿屯伊犁

諭責在事諸臣四月

諭曰扎拉豐阿身為副將軍一籌莫展著削郡王爵降授貝子品級來京候旨五月復

命削貝子品級還牧阿睦爾撒納之竄哈薩克也



上嚴諭玉保以兵索達爾黨阿繼進策楞與扎拉豐阿  
尾應而策楞等以牧馬留登努勒台且檄達爾黨  
阿玉保還

命逮策楞等治罪扎拉豐阿以蒙古人不更事僅予削  
職

命甫降扎拉豐阿已隨定西將軍達爾黨阿馳赴哈薩  
克

詔復授公品級七月師至雅爾拉阿睦爾撒納與哈薩

克汗巴巴糾衆二千餘伏谷扎拉豐阿等擊斬五百餘級擒十一人賊潰走追至努喇復斬三百餘級阿睦爾撒納易服遁捷

聞

上嘉其功仍封貝子會扎拉豐阿以馬瘠請撤兵召入覲

諭曰扎拉豐阿前奉朕切責之旨始進攻哈薩克今則聞命遽還蓋伊見事有難成遂託故而還即此可見

伊尚未改觀望之習不得仍為貝子著降授輔國公

二十二年

賜紫轡二十四年正月署蒙古正紅旗都統十一月

詔復貝子二十六年授漢軍正黃旗都統二十七年仍

授領侍衛內大臣三十年調蒙古鑲白旗都統三

十八年授

御前大臣四十四年

諭曰貝子扎拉豐阿在御前行走有年頗屬奮勉出力

伊父僧衮扎布原係貝勒著加恩晉封貝勒如其父  
爵四十五年兼襲扎薩克鎮國公

諭曰朕因鎮國公濟克濟特扎布獲罪將所遺扎薩克  
授貝勒扎拉豐阿兼襲但念此鎮國公爵原係其祖  
色稜効力軍營所封嗣後出缺時貝勒或應停襲公  
爵仍世襲罔替四十八年四月扈

駕幸盛京扎拉豐阿道疾

上追念前功仍封郡王

賜三眼孔雀翎

遣歸牧行次遙亭卒提督剛塔以

聞

諭曰扎拉豐阿宣力內廷有年適因患病遣歸調攝冀速就痊今聞溘逝深堪軫惻若即令伊櫬歸牧朕心尤為不忍著加恩令伊子丹巴多爾濟入京治喪畢再歸游牧丹巴多爾濟幼著賞銀四千兩派內大臣金簡經理其喪先派御前侍衛豐紳濟倫迎奠茶酒

令丹巴多爾濟扶柩由東直門入到日遣皇十七子  
出城迎接仍至伊家奠醊其祭儀悉照郡王例辦理  
七月理藩院請停襲郡王令丹巴多爾濟襲鎮國  
公

特命襲扎薩克固山貝子

八次襲丹巴多爾濟扎拉豐阿長子初尚郡君授  
固山額駙郡君卒復尚縣君

詔留固山額駙秩乾隆四十四年授一等塔布囊四十

七年擢鑲白旗蒙古護軍統領四十八年五月陞  
正紅旗蒙古都統七月襲扎薩克固山貝子四十  
九年理藩院議丹巴多爾濟所襲貝子係

恩封例弗予襲出缺時應襲其祖色稜所遺扎薩克鎮  
國公原爵其貝子爵奏聞請

旨

詔如議

扎薩克一等塔布囊格呼爾列傳

今襲公  
品級

格呼爾喀喇沁部人姓烏梁罕杜稜貝勒固魯思  
奇布從孫曾祖萬丹偉徵天聰三年偕蘇布地來  
朝尋從征察哈爾九年從征明至遼河源遇明哨  
卒偕塔布囊色稜奮擊之崇德元年叙功授一等  
塔布囊三年從貝勒岳託自密雲墻子嶺入明邊  
敗其兵二千順治十三年卒子額林臣尚郡主授  
多羅額駙孫茂秀嗣塔布囊子二長即格呼爾初  
名默納克後



賜今名次們都尚鄉君授額駙康熙二十五年格呼爾襲一等塔布囊四十四年以族屬繁積三十八佐

領

命增設一旗授格呼爾扎薩克五十四年四月大軍防禦策妄阿喇布坦

詔選所部兵赴推河八月右衛將軍費揚古以病解任詔格呼爾偕散秩大臣祁里德統右衛及外藩軍務尋以擒厄魯特賊羅卜藏錫喇布功擢叅贊大臣五

十八年卒無嗣弟們都之子喀寧阿襲

一次襲喀寧阿格呼爾從子尚郡主授和碩額駙康熙五十九年襲扎薩克一等塔布囊乾隆五年卒子齊齊克襲

二次襲齊齊克喀寧阿長子乾隆五年襲扎薩克一等塔布囊十九年晉公品級

賜孔雀翎三十九年卒子瑪哈巴拉襲

三次襲瑪哈巴拉齊齊克長子乾隆四十年

諭曰齊齊克子瑪哈巴拉年雖幼材堪造就著加恩仍  
賜公品級襲扎薩克一等塔布囊四十九年理藩院  
議瑪哈巴拉所襲扎薩克應令世襲罔替至公品  
級係

恩封例弗予襲俟出缺時請

旨

詔如議五十一年尚鄉君授額駙

附  
輔國公丹巴列傳

丹巴扎薩克塔布囊格呼爾從叔父祖德爾格爾  
以從征功授三等塔布囊父扎木素從大軍敗噶  
爾丹於烏蘭布通授二等塔布囊雍正八年丹巴  
以二等塔布囊駐防阿爾台軍營

詔晉一等塔布囊九年隨靖邊大將軍傅爾丹勦噶爾  
丹策凌於和通呼爾哈諾爾力戰被創卒

命優卹追封輔國公以其子丹津襲

詔世襲罔替

一次襲丹津丹巴長子雍正十年襲輔國公乾隆十八年卒子托克托瑚襲

二次襲托克托瑚丹津長子乾隆十八年襲輔國公二十二年卒無嗣弟溫都爾瑚襲

三次襲溫都爾瑚丹津第三子乾隆二十二年襲輔國公

欽定外藩蒙古回部王公表傳卷之二十四

欽定四庫全書

欽定外藩蒙古回部王公表傳卷之二十五

傳第九

土默特部總傳

土默特部在喜峯口外至

京師千里東西距四百六十里南北距三百有十里

東界陽什穆牧場西界喀喇沁南界

盛京邊牆北界喀爾喀左翼及教漢土默特分左右

翼異姓同牧主左翼者為元臣濟拉瑪裔自濟拉  
瑪十三傳至善巴與喀喇沁為近族主右翼者為元  
太祖裔自元太祖十九傳至鄂木布楚琥爾生子  
固穆與歸化城土默特為近族天聰三年善巴鄂  
木布楚琥爾各率屬來歸八年六月選兵從征明  
頒示軍律七月由獨石口入明邊會大軍於保安州分兵  
隸都統武訥格略察哈爾邊九年

詔編所部佐領設扎薩克三曰善巴曰廢格爾曰鄂木布



楚琥爾賡格爾者善巴族也崇德二年以罪削扎薩克善巴領其衆自是土默特分左右翼

命善巴及鄂木布楚琥爾掌之是年

遣大臣阿什達爾漢等赴其部理庶獄六年從圍明錦州  
敗總督洪承疇援兵八年隨饒餘貝勒阿巴泰征  
明順治元年從入山海關擊流賊李自成三年隨  
勦蘇尼特部叛人騰機思康熙元年喀爾喀台吉  
巴爾布冰圖來歸

詔附土默特左翼牧十三年大軍勦逆藩耿精忠等

詔所部塔布囊善達偕喀喇沁塔布囊霍濟格爾以兵赴

兗州聽調十七年調赴浙江隨康親王傑書進勦

閩地悉定

諭優叙五十五年

詔選兵千隨公傳爾丹屯鄂爾坤五十九年以旱歉收

賜帑賑之雍正三年塔布囊沙津達賚隨大軍防禦準噶爾

七年封鎮國公九年大將軍傳爾丹擊準噶爾於

和通呼爾哈諾爾沙津達賚陣逃削爵而土默特  
部將之隨叅贊內大臣瑪蘭泰者敗賊西爾哈昭  
斬獲甚衆稍雪恥焉所部二旗左翼駐海他哈山  
右翼駐巴顏和朔隸卓索圖盟爵三扎薩克多羅  
達爾漢貝勒一由鎮國公晉襲附喀爾喀貝勒一  
扎薩克固山貝子一

扎薩克達爾漢鎮國公善巴列傳

今襲多羅達爾漢貝勒

善巴土默特部人姓烏梁罕元臣濟拉瑪十三世

孫祖莽古岱由喀喇沁徙居土默特有子三長哈  
穆瑚次諾穆圖偉徵子即善巴次鄂穆什固英天  
聰三年十月善巴以土默特塔布囊從征明敗馬  
蘭峪兵八百復破大同援軍十一月薄北京貝勒  
岳託等與明巡撫袁崇煥總兵祖大壽戰善巴偕  
都統武訥格突以兵擊敗之五年來朝貢馬九年  
授扎薩克與同部塔布囊賡格爾領其衆崇德元  
年封達爾漢鎮國公

詔世襲罔替二年十月追議廢格爾前從征明昌平私祭  
蠹罪削扎薩克以善巴專理旗務三年

上幸遼陽善巴遣屬博羅科獻馬

賚雕鞍佩刀四年以匿喀爾喀逃人罰馬九五年來朝

賜儀仗順治十四年卒子卓哩克圖襲

一次襲卓哩克圖善巴長子順治十四年襲扎薩

克達爾漢鎮國公康熙元年追叙其父善巴功晉

多羅貝勒爵仍

予世襲罔替十三年卒子兆圖襲

二次襲兆圖卓哩克圖長子康熙十三年襲扎薩  
克多羅達爾漢貝勒十四年卒子額爾德木圖襲  
三次襲額爾德木圖兆圖長子尚縣主授多羅額  
駙康熙十四年襲扎薩克多羅達爾漢貝勒四十  
二年卒子瑪尼襲

四次襲瑪尼額爾德木圖長子康熙四十二年襲  
扎薩克多羅達爾漢貝勒五十二年卒子阿喇布

坦襲

五次襲阿喇布坦瑪尼長子尚郡主授和碩額駙  
康熙五十二年襲扎薩克多羅達爾漢貝勒雍正  
十一年以勦噶爾丹策凌解馬赴北路軍尋授盟  
長乾隆四年卒孫索諾木巴爾珠爾襲

六次襲索諾木巴爾珠爾阿喇布坦孫尚鄉君授  
額駙乾隆五年襲扎薩克多羅達爾漢貝勒四十  
四年授副盟長

附喀爾喀多羅貝勒巴爾布永圖列傳

巴爾布永圖喀爾喀部人姓博爾濟吉特元太祖  
裔初為喀爾喀台吉隸西路扎薩克圖汗康熙元  
年扎薩克圖汗旺舒克為其族羅卜藏台吉額琳  
沁所戕部衆潰巴爾布永圖自杭愛山率屬來歸  
詔附土默特左翼扎薩克達爾漢貝勒卓哩克圖牧四年  
封多羅貝勒七年卒子索諾木襲

一次襲索諾木巴爾布永圖次子康熙七年襲多



羅貝勒九年

上憫其屬乏生計以馬牛羊分

賜之三十二年因病罷子羅卜藏丹巴襲

二次襲羅卜藏丹巴索諾木第三子康熙三十一

年襲多羅貝勒六十一年卒子班第璘沁襲

三次襲班第璘沁羅卜藏丹巴第三子康熙六十

一年襲多羅貝勒乾隆二十二年卒子衮布多爾

濟襲

四次襲衣布多爾濟班第璘沁次子乾隆二十二年襲多羅貝勒

扎薩克固山貝子固穆列傳

固穆土默特部人姓博爾濟吉特元太祖二十世孫高祖阿爾坦號格根汗明嘉靖間據豐州灘築城架屋以居謂之拜姓即明時訛為板升者也後通好於明受順義王印因名所居城曰歸化有子九長僧格號杜稜汗子噶爾圖以避察喀爾侵由

歸化城徙居土默特即固穆祖察喀爾林丹汗恃其強侵不已固穆父鄂木布楚琥爾約喀喇沁部長蘇布地等擊察哈爾兵四萬於土默特之趙城復殺其赴張家口請明賞兵三千與交惡恐不敵本朝天聰二年偕蘇布地上書乞援三年六月遣台吉卓爾畢泰入貢尋率屬來朝九月

上親征察哈爾鄂木布楚琥爾從十月從征明北京六年由都爾弼從征察哈爾林丹汗遁

詔隨貝勒阿濟格略明大同宣府邊九年授扎薩克崇德  
三年隨豫郡王多鐸圍明中後所總兵祖大壽襲  
我軍鄂木布楚琥爾潰走議罪罰馬四年卒子固  
穆嗣掌扎薩克六年從圍明錦州敗總督洪承疇  
援兵八年遣屬布達爾從征明順治三年從勦蘇  
尼特叛人騰機思五年封鎮國公康熙二年晉固  
山貝子

詔世襲罔替十三年卒子四長色稜次察袞均授台吉次

拉斯扎布次袞濟斯扎布均襲貝子

一次襲袞濟斯扎布固穆第四子康熙十三年襲  
扎薩克固山貝子十四年三月察哈爾布爾尼叛  
潛使誘袞濟斯扎布不從逐其使且遣三等護衛  
舍布齋疏

聞

上嘉之

諭理藩院致書袞濟斯扎布曰初察哈爾長史辛柱首布

爾尼叛正欲察其情適護衛舍布來奏布爾尼說  
貝子同叛貝子即以

聞復調兵為擒勦計

皇上深為嘉悅布爾尼逆狀既實貝子等可選良馬速往  
擒勦否則謹守汛界大兵即日可至是月

遣郎中瑪喇等徵所部兵隨撫遠大將軍信郡王鄂扎進  
勦五月布爾尼為科爾沁額駙沙津臨陣斬其原  
附察哈爾之喀爾喀台吉託音等四佐領人戶

命改隸衮濟斯扎布三十一年以禦噶爾丹不力託故私  
歸罪削爵

命其兄拉斯扎布襲

二次襲拉斯扎布固穆第三子康熙三十一年襲  
扎薩克固山貝子三十七年卒子班第襲

三次襲班第拉斯扎布長子康熙三十七年襲扎  
薩克固山貝子四十八年卒子哈穆噶巴雅斯呼

朗圖襲

四次襲哈穆噶巴雅斯呼朗圖班第長子康熙四十九年襲扎薩克固山貝子乾隆三十六年卒子子垂扎布襲

五次襲垂扎布哈穆噶巴雅斯呼朗圖長子乾隆三十六年襲扎薩克固山貝子三十九年卒子色布騰棟囉布襲


六次襲色布騰棟囉布垂扎布次子乾隆三十九年襲扎薩克固山貝子五十年卒弟色布騰喇什



襲

七次襲色布騰喇什垂扎布第三子乾隆五十年

襲扎薩克固山貝子



欽定外藩蒙古回部王公表傳卷之二十五

欽定四庫全書

史部

欽定外藩蒙古回部王公表傳卷

二十六至  
三十三

主事臣陳若霖覆校

總校官編修臣倉聖脉

欽定四庫全書

欽定外藩蒙古回部王公表傳卷之二十六

傳第十

教漢部總傳

教漢部在喜峰口外至

京師千有十里東西距百六十里南北距二百八十

里東界柰曼西界喀喇沁南界土默特北界翁牛

特內扎薩克二十四部自科爾沁扎賚特杜爾伯

特郭爾羅斯喀喇沁土默特左翼阿魯科爾沁  
翁牛特阿巴噶阿巴哈納爾四子部落茂明安烏  
喇特外皆元太祖十五世孫達延車臣汗之裔達延  
車臣汗子十一長圖魯博羅特其嗣為敖汗柰曼  
烏珠穆沁浩齊特蘇尼特五部第三子巴爾蘇博  
羅特其嗣為土默特右翼一旗及鄂爾多斯部第  
五子阿爾楚博羅特其嗣為巴林扎魯特二部第  
六子鄂齊爾博羅特其嗣為克什克騰部第十一

子格呼森扎扎賚爾琿台吉其嗣為喀爾喀左翼  
喀爾喀右翼二部餘皆不著圖嚕博羅特子二長  
博第阿喇克詳烏珠穆沁部總傳次納密克生貝  
瑪土謝圖子二長岱青杜楞號所部曰教漢次額  
森偉徵諾顏詳柰曼部總傳岱青杜楞子索諾木  
杜稜及塞臣卓哩克圖初皆服屬於察哈爾以林  
丹汗不道天聰元年偕柰曼部長衮楚克率屬來  
歸

詔索諾木杜稜居開原塞臣卓哩克圖還舊牧二年偕柰  
曼巴林扎魯特諸台吉勦察哈爾

諭勿妄殺降嚴汛哨後索諾木杜稜以私獵哈達葉赫山  
罪議奪開原地塞臣卓哩克圖卒子班第繼為部  
長八年冬

遣大臣赴碩翁科爾定諸藩牧以扎哈蘇台囊嘉台為教  
漢界崇德元年

詔編所部佐領設扎薩克以班第領之爵多羅郡王順治

元年從入山海關擊流賊李自成康熙十三年請  
選兵隨勦逆藩吳三桂

詔還牧聽調十四年隨大軍勦察哈爾叛人布爾尼十五  
年

徵兵赴河南尋調荊州越三年凱旋二十八年秋

詔發喜峰口倉粟賑所屬貧戶三十七年冬

遣官往教之耕

諭曰朕巡幸所經見教漢及柰曼諸部田土甚嘉百穀可



種如種穀多獲則興安嶺左右無地可耕之人就近貿糴不須入邊市米矣其向因種穀之地不可牧馬未曾墾耕者令酌留草茂之處為牧地自兩不相妨且教漢柰曼蒙古以捕魚為業者衆教之以引水灌田彼亦易從凡有利益於蒙古者與王台吉等相商而行雍正五年以所部災

賜帑賑之九年隨大軍勦噶爾丹策凌所部一旗駐固爾班圖爾噶山與柰曼翁牛特巴林扎魯特喀爾喀

左翼阿魯科爾沁諸部統盟於昭烏達爵五扎薩  
克多羅郡王一附多羅郡王一固山貝子二一由  
貝勒降襲鎮國公一由貝子降襲  
扎薩克多羅郡王班第列傳

班第教漢部人姓博爾濟吉特元太祖二十一世  
孫父塞臣卓哩克圖天聰元年三月遣使獻明誘  
降書七月迎

覲遼河

行幄

賜宴

賚雕鞍良馬各一十二月復

賚金珠皮幣甲冑鞍馬

賜號都喇爾巴圖魯三年從征明由陽什穆河入大安口

克遵化薄北京四年克永平攻昌黎焚近城廬舍

師還卒五年班第從征明大凌河敗錦州援兵六

年從征察哈爾過興安嶺至布隆圖移征明歸化

城及宣府七年尚固倫公主授固倫額駙崇德元年四月封扎薩克多羅郡王

詔世襲罔替十二月從征朝鮮二年由朝鮮進征瓦爾喀至吉木海敗平壤巡撫安州總兵及安邊道援兵三年二月從征喀爾喀扎薩克圖汗由興安嶺至登努蘇台偵遁乃還其部校三人私匿馬百四十不導

旨均給無馬者乘歸議籍牧產戶口

命即以賜班第九月從征明由墻子嶺入邊越北京趨山

東攻克濟南四年扈

駕征明松山五年遣屬色穆隨征索倫凱旋得

優賚六年隨大軍圍明錦州迎擊援兵於松山兩紅旗鑲

藍旗列營乳峰山為明兵所襲班第偕諸軍擊卻  
之七年以松山錦州俱克叙功

優賚並及其部將齋薩庫等順治三年隨豫親王多鐸追  
勦蘇尼特叛人騰機思至扎濟布拉克敗喀爾喀

土謝圖汗車臣汗援兵四年卒子二長墨爾根巴圖魯溫布襲郡王次齊倫巴圖魯鄂齊爾授和碩額駙

一次襲墨爾根巴圖魯溫布班第長子順治二年來朝

賜王帶鞍馬四年襲扎薩克多羅郡王六年隨大軍追剿喀爾喀二楚琥爾於喀屯布拉克康熙十年卒子二長扎木素襲郡王次袞布二等台吉尚郡君授

固山額駙子羅卜藏封多羅貝勒自有傳

二次襲扎木素墨爾根巴圖魯溫布長子尚郡主  
授多羅額駙康熙十一年襲扎薩克多羅郡王十  
二年來朝十四年察哈爾布爾尼叛柰曼扎木三  
應之扎木素同巴林翁牛特喀喇沁土默特諸部  
兵會大軍進勦布爾尼敗竄為科爾沁額駙沙津  
陣斬扎木素奉

詔還防餘賊掠境二十九年隨大軍勦噶爾丹於烏蘭布

通三十四年赴巴林防禦三十五年調烏爾輝四十七年卒子垂木丕勒襲

三次襲垂木丕勒扎木素長子康熙四十七年襲扎薩克多羅郡王雍正十二年授副盟長乾隆八年

命御前行走十五年卒子垂濟喇什襲

四次襲垂濟喇什垂木丕勒長子初授二等台吉乾隆十五年襲扎薩克多羅郡王二十年遣子巴



特瑪喇什隨大軍勦達瓦齊二十一年授副盟長  
三十三年卒子巴特瑪喇什襲

五次襲巴特瑪喇什垂濟喇什長子初授二等台  
吉乾隆三十三年襲扎薩克多羅郡王三十八年  
卒子巴勒丹襲

六次襲巴勒丹巴特瑪喇什長子乾隆三十八年  
襲扎薩克多羅郡王四十年

命乾清門行走四十七年卒子德親襲

七次襲德親巴勒丹長子乾隆四十八年襲扎薩克多羅郡王

附追封多羅郡王索諾木杜稜列傳

索諾木杜稜扎薩克郡王班第伯父天聰元年來歸

賜濟農號二年隨大軍征察哈爾八年從征明入得勝堡由大同至朔州克堡一歸獻所獲得

優賚九年削濟農號崇德元年從征朝鮮二年由朝鮮進

征瓦爾喀六年從征明錦州松山七年叙功

優賚順治元年卒五年追封多羅郡王子二長瑪濟克次

布達相繼襲

一次襲瑪濟克索諾木杜稜長子順治五年襲多羅郡王

詔世襲罔替康熙五年以故殺妻罪削爵

命其弟布達襲

二次襲布達索諾木杜稜次子康熙五年襲多羅

郡王十二年來朝扈

駕獵南苑

命偕巴林郡王鄂齊爾喀爾喀左翼貝勒衮布伊勒登等  
樹侯校射十三年卒子三長薩木丕勒襲郡王次  
額爾德尼次色稜綽克圖均授台吉

三次襲薩木丕勒布達長子康熙十三年襲多羅  
郡王二十八年卒子三長阿敏達賚次額色蒙克  
次達什達爾扎相繼襲

四次襲阿敏達賚薩木丕勒長子康熙二十八年

襲多羅郡王二十九年卒無嗣弟額色蒙克襲

五次襲額色蒙克薩木丕勒次子康熙二十九年

襲多羅郡王三十年卒無嗣弟達什達爾扎襲

六次襲達什達爾扎薩木丕勒第三子康熙三十

年襲多羅郡王四十三年卒無嗣從弟瓦爾達襲

七次襲瓦爾達布達孫台吉色稜綽克圖子康熙

四十三年襲多羅郡王四十四年卒無嗣從弟鄂

爾齋圖襲

八次襲鄂爾齋圖亦布達孫台吉額爾德尼子康熙四十四年襲多羅郡王五十四年赴北路軍防禦策妄阿喇布坦五十九年隨大軍擊準噶爾擒宰桑貝坤等百餘人得

優賚雍正九年隨大軍勦噶爾丹策凌乾隆十三年卒子喇什喇布坦襲

九次襲喇什喇布坦鄂爾齋圖長子乾隆十三年襲多羅郡王十九年隨北路大軍勦達瓦齊四十

四年卒子齊默特噶瓦襲

十次襲齊默特噶瓦喇什喇布坦長子初授二等

台吉乾隆四十四年襲多羅郡王

命乾清門行走

附多羅貝勒羅卜藏列傳

今襲固山貝子

羅卜藏扎薩克郡王墨爾根巴圖魯溫布孫二等

台吉衮布子初授二等台吉康熙五十年尚郡君

授固山額駙五十四年

命乾清門行走雍正四年晉一等台吉七年

諭曰一等台吉羅卜藏明敏幹練甚屬勤慎在內廷行走  
有年且係額駙著封輔國公九年隨喀爾喀親王額駙  
策凌等進勦噶爾丹策凌授叅贊大臣十年由克  
爾森齊老夜擊賊至額爾德尼昭奪獲山砦賊遁  
偕將軍塔爾岱等追至推河擒斬無算

詔嘉其功晉固山貝子十一年復偵擊準噶爾賊十三年  
撤還乾隆元年



命御前行走七年擢理藩院額外侍郎八年

諭曰貝子羅卜藏人甚謹慎實心行走前在軍營亦著勞績可施恩晉封多羅貝勒十三年署鑲藍旗蒙古都統十五年授盟長尋署喀爾喀定邊左副將軍十七年卒

諭曰貝勒羅卜藏原係二等台吉因在軍營効力洊封多羅貝勒此爵雖非世襲罔替念係出力行走所得其長子垂濟扎勒可令襲固山貝子第三子三濟扎

勒係羅卜藏愛惜之子可格外施恩封輔國公十九年

駕幸吉林

親臨其墓酌酒

一次襲垂濟扎勒羅卜藏長子乾隆七年

命乾清門行走八年

命御前行走十一年尚郡君授固山額駙十八年襲固

山貝子四十六年卒理藩院議降襲

諭曰垂濟扎勒父羅卜藏向來勤勉垂濟扎勒又在內  
廷効力多年其子德威多爾濟著加恩仍襲固山貝  
子

二次襲德威多爾濟垂濟扎勒長子尚郡君授固  
山額駙乾隆四十七年襲固山貝子四十九年

詔世襲罔替

附固山貝子三濟扎勒列傳

三濟扎勒貝勒羅卜藏第三子尚郡君授固山額

駙乾隆十八年封輔國公

命御前行走四十八年扈

駕幸盛京

諭獎其効力久克抒忱悃晉封固山貝子四十九年理

藩院議三濟扎勒貝子爵係

恩封例弗予襲俟出缺時請

旨

詔如議

附固山貝子羅卜藏錫喇布列傳

今襲鎮國公

羅卜藏錫喇布郡王鄂爾齋圖第三子初授二等  
台吉雍正七年尚郡君授固山額駙九年

命乾清門行走乾隆十四年

命御前行走十九年

諭曰額駙羅卜藏錫喇布効力有年甚為勤慎人材亦  
優可施恩賜公品級二十四年封輔國公二十九年  
授副盟長三十年晉盟長三十一年擢理藩院額

外侍郎三十三年晉鎮國公四十年晉固山貝子  
四十六年卒子納木扎勒多爾濟降襲鎮國公

一次襲納木扎勒多爾濟羅卜藏錫喇布長子乾  
隆四十六年襲鎮國公四十九年理藩院議納木  
扎勒多爾濟所襲鎮國公爵係

恩封例弗予襲俟出缺時請

旨

詔如議

欽定外藩蒙古回部王公表傳卷之二十六